

Ponuda za preuzimanje

Na osnovu Zakona o preuzimanju dioničkih društava („Službene novine Federacije BiH“ broj 77/15) i Rješenja Komisije za vrijednosne papire Federacije BiH broj: 04/4-19-166/24 od 08.08.2024. godine kojim se odobrava objavljivanje ponude za preuzimanje društva „VISPAK“ dioničko društvo za prehrambenu industriju Visoko, objavljuje se :

PONUĐA ZA PREUZIMANJE DRUŠTVA „VISPAK“ dioničko društvo za prehrambenu industriju Visoko

Ponudilac	"AS" d.o.o. Jelah-Tešanj, Društvo za proizvodnju, trgovinu i transport, skraćeno „AS“ d.o.o. Jelah – Tešanj, adresa Tešanj, Jelah, Industrijska zona "Ekonomija" broj 5
Emitent (Ciljno društvo)	„VISPAK“ dioničko društvo za prehrambenu industriju Visoko, sjedištem u Visokom, u ulici Ozrakovići bb, Visoko skraćena firma: D.D. „VISPAK“ prehrambena industrija Visoko
Osnovni kapital i ukupan broj dionica ciljnog društva	Osnovni kapital Ciljnog društva iznosi 15.223.110,00 KM, a koji je podijeljen na 1.522.311 redovnih (običnih) dionica, nominalne vrijednosti 10,00 KM po dionici
Postojeći udio ponudioca u osnovnom kapitalu ciljnog društva	Ponudilac je vlasnik 1.446.653 redovnih (običnih dionica) sa pravom glasa, što čini 95,0301 % od ukupnog broja dionica sa pravom glasa.
Dionice na koje se odnosi ponuda za preuzimanje	Broj dionica koje su predmet ponude je 75.658 (sedamdesetpet hiljada šeststotinapedesetosam) ili 4,9699 % redovnih (običnih) dionica ciljnog društva.
Izjava o preuzimanju	Ponuda za preuzimanje je upućena svim dioničarima ciljnog društva za sticanje svih dionica koje su predmet ove ponude pod propisanim i objavljenim uslovima. Ponudilac će kupiti i dionice na kojima je zasnovano neko opterećenje (založno pravo, pravo plodouživanja, pravo trećih lica na vrijednosnim papirima i drugi tereti), odnosno ograničenja prava iz vrijednosnih papira – dionica, samo ako dioničar u periodu trajanja ponude za preuzimanje u Registru vrijednosnih papira u Federaciji Bosne i Hercegovine provede postupak brisanja zasnovanog založnog prava.
Cijena	Ponuđena cijena iznosi 15,00 KM po dionici, što predstavlja 150% nominalne vrijednosti dionice emitenta
Izvor i način osiguranja naknade za plaćanje dionica koje su predmet ponude za preuzimanje	Ponudilac ili ponudilac putem punomoćnika ponudioca je svrhu osiguranja plaćanja svih dionica ciljnog društva, iz vlastitih izvora, uplatio novčana sredstva na račun Registra vrijednosnih papira d.d. Sarajevo.
Pravo prijenosa dionica manjinskih dioničara	Ponudilac će, nakon okončanja ponude za preuzimanje, koristiti pravo prijenosa dionica manjinskih dioničara u roku od tri mjeseca

	od isteka ponude za preuzimanje u skladu s članom 45. Zakona o preuzimanju dioničkih društava.
Rok plaćanja	Ako su ispunjeni svi uslovi iz ponude, rok za plaćanje deponovanih dionica iznosi sedam dana od dana isteka roka trajanja ponude za preuzimanje.
Rok trajanja ponude za preuzimanje	Rok trajanja ponude za preuzimanje je 28 dana, a počinje teći od dana objavljivanja ponude za preuzimanje u dnevnim novinama
Društvo ovlašteno za prikupljanje odgovora na ponudu za preuzimanje	Registar vrijednosnih papira u Federaciji Bosne i Hercegovine, dioničko društvo Sarajevo Telefon: +387 (0)33 279 150 Fax: +387 (0)33 279 151 E mail: info@rvp.ba Web: www.rvp.ba Radno vrijeme od 08 do 16 sati, svaki radni dan
Upute o načinu i učincima deponiranja dionica	Vlasnik dionica koji želi prodati svoje dionice može u roku od 28 dana prihvatiti ponudu za preuzimanje na slijedeći način: <ol style="list-style-type: none"> 1. Neposredno – osobnim dolaskom u Registar vrijednosnih papira d.d. Sarajevo na gore navedenoj adresi ili 2. Posredno – dostavom potrebne dokumentacije i punomoći za sklapanje ugovora putem preporučene poštanske pošiljke Fizičko lice dostavlja: <ul style="list-style-type: none"> - Pisani nalog za prihvatanje ponude za preuzimanje ovjeren kod notara (Obrazac NP2 – može se pronaći na web stranici Registra http://www.rvp.ba) - Ovjerenu fotokopiju ili original potvrdu od banke iz BiH u kojoj je otvoren račun, iz kojeg se vidi broj bankovnog računa koji je unesen u nalogu NP2 i na kojoj je naveden jedan od identifikacijskih podataka o vlasniku (JMBG ili broj osobne iskaznice) Pravno lice dostavlja: <ul style="list-style-type: none"> - Pisani nalog za prihvatanje ponude ovjeren od strane notara (Obrazac NP2 - može se pronaći na web stranici Registra http://www.rvp.ba), gdje je potrebno da notar utvrdi identitet osobe ovlaštene za zastupanje pravnog lica na temelju aktuelnog izvoda iz sudskog registra koji ne smije biti stariji od tri mjeseca - Original ili ovjerenu fotokopiju ugovora sa bankom o otvaranju transakcijskog računa koji treba da sadrži ID broj vlasnika računa ili da dostavi potvrdu izdatu od banke o broju računa za isplatu sa navedenim ID brojem vlasnika računa.

	Ako se nalog za prihvatanje ponude upućuje poštom, isti mora biti predat na poštu najkasnije zadnji dan roka važenja ponude, a zaprimljen u Registru najkasnije naredni dan.
Povlačenje ponuđenih dionica	Ukoliko je prihvatio ponudu, dioničar može sve do isteka roka ponude povući svoj nalog o prihvatanju ponude, na način da dostavi Registru uredno ispunjen nalog (Obrazac NP3 – može se pronaći na web stranici Registra http://www.rvp.ba) za povlačenje dionica sa računa za deponovanje kod Registra na račun dioničara kod Registra. Ovaj obrazac mora biti ovjeren od strane notara.
Namjera ponudioca u pogledu budućeg poslovanja ciljnog društva	Ne očekuje se da će ponuda za preuzimanje utjecati na promjenu poslovanja ciljnog društva, osim u pravcu budućeg razvoja, budući da je ponudilac već vlasnik 95,0301 % dionica ciljnog društva.
Strateški planovi ponudioca u odnosu na ciljno društvo	Ponudilac ima namjeru steći 100% vlasništvo nad svim dionicama ciljnog društva. Ne očekuje se da će ponuda za preuzimanje utjecati na dosadašnje planove poslovanja ciljnog društva, kao i na politiku zapošljavanja i radnopravne statuse radnika ciljnog društva i društva ponudioca, niti će doći do promjene vezano za mjesto u kojima ciljno društvo i društvo ponudioca obavlja svoje djelatnosti, polazeći od toga je da su ponudilac već vlasnik 95,0301 % dionica ciljnog društva.
Namjera ponudioca u vezi sa upravom i nadzornim odborom ciljnog društva	Ponudilac nema namjeru vršiti promjene u vezi sa upravom ili nadzornim odborom ciljnog društva, niti na novčana i nenovčana davanja kao i druge pogodnosti koje se daju ili čine vjerovatnim članovima uprave i nadzornog odbora ciljnog društva, polazeći od toga da je ponudilac već vlasnik 95,0301 % dionica ciljnog društva.
Dodatne informacije	U slučaju potrebe za dodatnim informacijama ili pojašnjenjima, dioničari ciljnog društva ih mogu dobiti putem web stranice Registra vrijednosnih papira u Federaciji Bosne i Hercegovine, http://www.rvp.ba , putem emaila: info@rvp.ba ili telefona: +387 33 279 169;

Za ponudioca „AS“ d.o.o. Jelah - Tešanj

Punomoćnik Advokat Džemila Gavrankapetanović

